



АҚПАРАТТЫҚ ХАБАРЛАМА

Астана қ.


2024 жыл, 7 наурыз

Қазақстанда POS-терминалдардың саны алғаш рет 1 млн бірліктен асты

Қазақстандықтар төлем карточкаларын белсенді пайдаланып жүр. 2023 жылы қазақстандық банктер шығарған төлем карточкаларын пайдалана отырып, **165,0 трлн теңгеге 11,6 млрд операция** жүргізілді. Оның ішінде қолма-қол ақшасыз тәсілмен **141,9 трлн теңгеге 11,3 млрд қолма-қол ақшасыз операция** жасалды (36,7%-ға өсті).


2023 жылы төлем карточкалары бойынша қолма-қол ақша беру операцияларының саны 5,2%-ға азайып, **241,1 млн операция** болды. 2023 жылы төлем карточкаларын ұстаушылар **23,1 трлн теңге** қолма-қол ақша алды. 2023 жылы қолма-қол ақшасыз операциялардың үлесі өскені (83%-дан **86%-ға** дейін) және қолма-қол ақша алу операцияларының үлесі төмендегені (17%-дан **14%-ға** дейін) байқалды.

Қазақстандықтар арасында қолма-қол ақшасыз операция жасауда ең көп сұранысқа ие тәсіл – интернет және мобильді банкинг. Күн сайын қазақстандықтар цифрлық банкинг арқылы **344,5 млрд теңгеден** астам сомаға **24,1 млн астам операция** жүргізеді. 2023 жылдың екінші жартыжылдығында QR-код арқылы **6,3 трлн теңгеге 1,05 млрд операция** жүргізілді.



2024 жылғы 1 қаңтардағы деректер бойынша, пайдаланылған төлем карточкаларының жалпы саны **38,7 млн бірлік** болды. 2023 жылы әрбір белсенді төлем карточкасын пайдалана отырып, **3,9 млн теңгеге** орта есеппен **312-ден** астам қолма-қол ақшасыз операция жүргізілді.

Тауарлар мен қызметтерге ақы төлеуді қабылдауға арналған банктер желісі де айтарлықтай көбейді. POS-терминалдар желісі де кеңейіп, **793,1 мың** кәсіпорында (39,7%-ға өсті) **1,04 млн** болды (25,3%-ға өсті). 2023 жылы әрбір POS-терминал арқылы **15,2 млн теңгеге** орта есеппен **2,4 мың операция** жүргізілді.



Толығырақ ақпаратты БАҚ өкілдері мына телефон арқылы ала алады:

8 (7172) 77-52-10

e-mail: press@nationalbank.kz

www.nationalbank.kz